

行心凡聖所不能測室中宴坐橫刀水盆之上旁置草鞋使來叅扣者下語無有契其機者又作示徒偈曰黑黑黑道道明明明得得得又冬日牓僧堂作此字_{三三三三三}三三三三三_{其下注云若人識得不離四威儀中有首座者見之謂曰和尚今日放叅慈明聞而笑之云}

贊曰有際天之雲濤乃可容吞舟之魚有九萬里之風乃可負垂天之翼三世如來之法印重任也豈尋常之材可荷擔乎余觀慈明以英偉絕人之姿行不纏凡聖之事談笑而起臨際於將仆叱咤而成黃龍之偷心視其施爲不見轍迹未三世而成爲繩墨諺曰字經三寫烏焉成馬此言雖小可以喻大